



THE NEW YORK CITY DEPARTMENT OF EDUCATION

JOEL I. KLEIN, *Chancellor*

OFFICE OF THE CHANCELLOR

52 Chambers Street - New York, NY 10007

প্রিয় স্কুল কমিউনিটি,

নিউ ইয়র্ক সিটির এইচওয়ানএনওয়ান ফ্লু সমস্যার মোকাবেলার জন্য অব্যাহতভাবে কাজ করে যাওয়া এবং আমাদের স্কুল কমিউনিটির সকলের সুস্থতা বজায় রাখতে আমরা যখন আমাদের সাধ্যমতো প্রচেষ্টা চালিয়ে যাচ্ছি, তখন এইচওয়ানএনওয়ান সমস্যার কারণে অনুপস্থিতি বিষয়ে বহুসংখ্যক পিতামাতার জানতে চাওয়া একটি প্রশ্নের জবাব দিতে চাই।

দি স্টেট অব নিউ ইয়র্কের নিয়ম অনুযায়ী শিক্ষার্থীদের প্রতিটি স্কুল বছরে একটি নির্দিষ্ট সংখ্যক দিন স্কুলে উপস্থিত থাকা বাধ্যতামূলক। তবে এইচওয়ানএনওয়ান ফ্লু-এর বিস্তার রোধ করার প্রয়াস হিসেবে আমরা কিছু কিছু স্কুলকে সাময়িকভাবে বন্ধ করেছি এবং যেসব শিক্ষার্থী অসুস্থ এবং যারা সন্তাব্য সংক্রমণের শিকার হতে পারে, তাদেরকে রোগের লক্ষণ সম্পূর্ণ দূর না হওয়া পর্যন্ত বাড়িতে থাকতে উৎসাহিত করছি। অন্য কথায়, এইচওয়ানএনওয়ান সমস্যার মোকাবেলায় আমাদের গৃহীত ব্যবস্থা কিছু কিছু স্কুলে অনুপস্থিতির হার বৃদ্ধি করেছে।

একটি স্কুল যখন বন্ধ করা হয়, তখন শিক্ষার্থীরা যে দিনগুলোর উপস্থিতি থেকে বঞ্চিত হয়, সেগুলো থাকে হিশেবের বাইরে। এই দিনগুলোতে শিক্ষার্থীদের উপস্থিত বা অনুপস্থিত বলে গণ্য করা হয় না। অর্থাৎ এই দিনগুলি শিক্ষার্থীর রেকর্ডে উল্লিখিত হবে না।

যেসব স্কুল বন্ধ করা হয়নি, সেসব স্কুলের এইচওয়ানএনওয়ান সংক্রান্ত অনুপস্থিতি বিষয়ে আমরা একটি নতুন নিয়ম তৈরি করেছি। সে নিয়মটি কীভাবে কাজ করবে, নিচে উল্লেখ করা হলো:

- আমরা অনুপস্থিতির কারণের কোডগুলোর মধ্যে একটি নতুন কোড যুক্ত করেছি, স্কুলের নথিতে যে কোড ব্যবহার করে বুঝানো যাবে যে সংশ্লিষ্ট শিক্ষার্থী এইচওয়ানএনওয়ান-এর কারণে অনুপস্থিত ছিলো।
- এইচওয়ানএনওয়ান-এর কারণে অনুপস্থিত শিক্ষার্থীর পক্ষ থেকে আমরা কোন ডাক্তারি চিঠির বাধ্যবাধকতা রাখছি না, তবে আমরা অনুপস্থিতির জন্য সকল শিক্ষার্থীর পিতামাতা বা অভিভাবকের কাছ থেকে কারণ ব্যাখ্যা করা চিঠি নিয়ে আসতে বলছি। চিঠিতে যদি অনুপস্থিতির কারণ এইচওয়ানএনওয়ান বর্ণিত হয়, আমরা কমপিউটার সিস্টেমে নতুন কোড “এইচওয়ানএনওয়ান-সংশ্লিষ্ট” বলে উল্লেখ করবো যার মাধ্যমে সংশ্লিষ্ট দিন বা দিনগুলোর অনুপস্থিতির কারণ জানা যাবে।
- এই নতুন কোড-এর সংযোজন ও ব্যবহারের মাধ্যমে স্কুল উপস্থিতির পুরস্কার, উত্তীর্ণ হওয়া এবং গ্রেড-এর সনদ লাভ করা- ইত্যাদি বিষয়ে সিদ্ধান্ত গ্রহণ করতে পারবে।

এইচওয়ানএনওয়ান-এর কারণে শিক্ষার্থীর অনুপস্থিতি বুঝাতে উপরোক্ত কোডিং প্রক্রিয়ার ব্যবহার শিক্ষার্থীদেরকে তাদের স্বাস্থ্যসংক্রান্ত বিষয়কে অগ্রবিবেচ্য হিসেবে গ্রহণ করতে শেখাবে। অনুগ্রহপূর্বক নিশ্চিত থাকবেন যে এইচওয়ানএনওয়ান সংশ্লিষ্ট অনুপস্থিতি আপনার সন্তানের উপস্থিতির রেকর্ডে অব্যাহতিপ্রাপ্ত বলে উল্লেখ করা হবে।

আপনার কোন প্রশ্ন থাকলে অনুগ্রহ করে আপনার প্যারেন্ট কোঅর্ডিনেটরের সাথে যোগাযোগ করুন।

বিশ্বস্ততার সাথে,

জোয়েল আই ক্লাইন